

## Per ina cumissiun da giuventetgna

Il venderdis vargau han representants dalla partida dil Giuven Center Surselva surdau alla Regiun Surselva la petiziun per introducir ina cumissiun regiunala da giuventetgna. Al Giuven Center Surselva schai ei a cor che la vusch da persunas giuvnas vegn udida. Perquei ei la partida giuvna sefatschentada intensiv cun quei tema. Ordlunder ei lu la petiziun «Cumissiun da giuventetgna Surselva» naschida. La presidenta ed il vice-president dil Giuven Center Surselva, *Sarina Caduff* e *Fabian Collenberg*, han surdau la petiziun il vendergis vargau als representants dalla cumissiun regiunala, *Ernst Sax* e *Carmelia Maissen* sco al meinafatschenta dalla Regiun Surselva, *Duri Blumenthal*. Il Giuven Center fa pretensiuns concretas sco per exempel per ina cumissiun regiunala da giuventetgna che savess animar persunas giuvnas da contribuir a decisiuns che pertuccan denter auter la giuventetgna. (cdm/fmr)